

2
ADLOCVTIO SVBIECTISSIMA

AD

SERENISSIMVM PRINCIPEM IV-
VENTVTIS

DN. ERNESTVM
AVGVSTVM,

DVCEM SAXONIAE, ET
RELIQVA,

post habitam Disputationem Inaugura-
lem Publicam

DE CVBEBIS,

M DCC V. D. XXIII. Iun.

facta a

GEORGIO VVOLFFGANGO
VVEDELIO.

IENÆ LITTERIS KREBSIANIS.

XIX, 597⁶

ADLOCUTIO SVBIECTISSIMA

AD

SERENISSIMUM PRINCIPEM IV

YRRETVTIS

DM. ERNESTVM

AVGVSTVM

BYCEM SAXONIAE ET

ALLGVA

Politicam Institutionem Inaugurans

Im Policum

DE CVBERIS

M. DCC. N. D. XVII. MD.

facta a

GEORGIO VVOLFEGANGO

VVEDELIO.

Ima Littaris Kriegeriana

*Serenissime Princeps ac
Domine,
Domine clementissime,*



Quibus verbis eloquar
Principalem hanc gratiam, quod
iubare radiantissimo Tua Sere-
nitas dignata est actum hunc in-
auguralem collustrare?

Mutuari liceat a Cubebis, aro-
mate splendidissimo, orandi subsidium, ad testan-
dam deuotissimam submissionem, & deprædican-
dam eminentissimam gratiam. Illas si spectemus in
sua origine, cultu, progressu & viribus, emicat in
Cubeba

1. RADICIS GLORIA AVITÆ. Hæc inter perennes militat, quæ terris inserta foecundis progerminat subinde, & fructus hos parturit. Serenissimæ domus propago ERNESTVS AVGVSTVS gloriosissimos refert parentes, avos & atavos, qui per plurima secula Saxonum Anhaltinorumque familiæ foenerarunt splendorem.

2. VOLVTA AMPLEXIBVS ÆQVIS. Ex conuoluulorum genere cubeba confurgit, excepta & comprehensa mature vicinis arboribus, quarum velut nexu & exemplo animatur in flores & fructus vberrimos. Serenissimum ERNESTVM AVGVSTVM excepit spes publica, non solum vniuersi orbis Saxonici, sed & cum affectu lætissimo, Serenissimæ totius familiæ, eaque omnes alii bonos & exhilarat.

3. RECTO MOLIMINE NIXA. Ope velut obstetricante eget cubeba, pedamento & fulcimento, quibus nitatur & educatur exporrecta. Pietas ERNESTI AVGVSTI præcipuum virtuti & gloriæ ponit fundamentum. Pietas ad omnia utilis; hoc fundamentum genuinum omnis Principis fortunæ, & augurium felicissimi regiminis, quo nixatur, verbis *Lucretii*, vita salusque subditarum terrarum.

4. SCAN-

4. SCANDIT IN ALTVM. Sursum ad solis radios producta fructus suos molitur extrudere, quibus fota feliciter illos enititur. Auspiciis prosperrimis adulta virtus ERNESTI AVGVSTI ad culmen seu medium cœlum properat, honorum, gloriæ & munerum Principalium.

5. EGREGIO TANTVM DECVS EMINET ORBE. Minora sunt grana cubebæ, sed maximas in minimo orbe suo complectitur dotes, aroma perfectum, & aliis si non anteferendum, saltem pari encomio dignum. Omnes Principales actiones Serenitatis Tuæ spirant ornamentum & decus familiaræ, ceu fulgidum sidus futurum. In orbem illum feminalem velut in centrum quoddam omnes vires transiere & coaluere in vnum. Idem in Te videmus iam prouehi, & indies sese exerere magis magisque, donec ad perfectam maturitatem virtus progressa enitebit quam fulgentissime.

6. FOETA RACEMIS INNVMERABILIBVS, Vt vniuerso generi humano vsus suos fcenerent cubebæ, copiosissimo prouentu luxuriant. Serenissima Domus Saxonica diuinis heroibus foeta fuit in hunc vsque diem; Redundant inde in Ecclesiam orthodoxam, in studia & Academiam hanc, in vni-

uersum orbem vberissimi fructus. Seminia horum & in Tua Serenitate iam promicant, & accessione virtutum ac decorum Principalium & futuro orbi promittunt consimiles fructus.

7. MODERAMINE GRATIOR OMNI. Est in aromate hoc temperies singularis & præcipua, vt leni amaritie, leni acrimonia, amœno acumine gratissima vis aromatica temperata visatur. Maxime id decet Principem, gratia temperata grauitate, vt actiuitas lenitate, indulgentia seueritate misceatur. Præcipuum est & illud in Serenissima Domo Saxonica, vt gratia cum autoritate amorem in se deriuet & subiectissimam venerationem.

8. VIRTUS DIFFVNDITVR VSV. Differre videntur cubebæ virtutem, quam possident summam, donec in vsum vocatæ illam exerere amplissime possint, præsentem, sed latentem visam, donec potentia in actum deducatur. Tunc demum emicabunt illustrissimæ virtutes, vti sane iam summis prædicantur ab omnibus bonis encomiis, quando occasio se offeret, testandi in pectore conditam diuinam sapientiam, diffundendam in patriam, Imperium, & vniuersum orbem.

9. AMABILIS OMNIBVS. Quis non delectatur,

lectatur, saltem in usu ipso, cubebis? Arrident cunctis
amœnitate sua, gratia, & usu. Quod apud Veteres
olim, in nummis, Gaudium Romanorum, Gloria
exercitus, Optimo Principi, Salus humani generis,
& alia elogia signabant, id omne iam votis ma-
xime deuotis ominamur, & precamur Serenitati
Tuæ.

10. NOXAS PRÆSERVAT ET ARCET. Et
sanis tutum præsidium & ægris necessarium auxi-
lium præbent Cubebæ. Idem in Republica Serenif-
simi Principes præstant, & seorsim id Saxonix Ducibus,
Patribus Patriæ, solenne est. Idem benignum
fatum, eandem fortunam a Te expectamus, Serenif-
sime Iuuentutis Princeps.

11. CAPUT ATQVE CORONA COLUMNÆ.
Visendus est in Cubebis globulus cum suo stylo, re-
præsentans caput, & fundamentum, quasi clauum,
quo columnæ inseri possit, eamque decorare. Est
& in quibusdam seorsim visendus velut pileus, or-
namento singulari. Serenitati Tuæ concessum diui-
nitus diadema & pileus Ducalis Serenissimæ Domui
Saxonix, columnæ Ecclesiæ, columnæ S. R. Imp.
columnæ patriæ, nil nisi gloriam, & celsissima fœ-
nora spondent.

12. PER-

12. PERENNANS DURAT IN ÆVVM. Sunt, qui decenniam vires integras perstare Cubebarum rentur, sed excedunt omnino longe idem, perennantes potius sunt, condientes & alia corpora, & seipsas. Tua gloria, Serenissime Princeps, vt & totius Serenissimæ Domus Saxonicæ, durabit in omne æuum.

Nos inpræsentiarum, cum longius in laudes summas digredi non liceat, deuotissimo pectore deueneramur Principalem huius gratiam, vota que & supplicia ad cœlum fundimus, pro vita longæua, pro incolumitate & perpetua fortuna, spondentes subiectissima obsequia & cultum pientissimum, gloriæ Serenissimæ ac immortalis indecessi futuri præcones.



Amat A 220, 24